



NJEPLECH SO PRAJI

čo. 34

- a) za wosebitu pojedź z wuchoda
- b) wothódnoćejo za špatnu běrnu
- c) za lózyskeho hólca abo muža

Prawa je wotmołwa **c**.

Njeplech je wothódnoćacy wuraz za musku wosobu, kotraž so po moraliskich abo juristiskich předpisach abo dojednanjach nima. Zwuraznja tež hněw toho, kiž tute słowo wužiwa.

Takle móžeš tež prajić:

- njedočink, njedušnik, njekmanik, nješwarnik
- rjelpus, flac

Připódlu prajene:

Hdyž adjektiv wjedrowski abo wjedrowy dodaš, wuraz hišće zesylniš: Ty wjedrowski njeplecho! To pak nima ničo z wjedrom činić.

Přikłady z rěčneho korpusa:

»Haj, wón, tutón *njeplech*, tutón njekničomnik, wón móžeše sebi zwažić, mi z pukami hrozyć, jeli jeho njepušću? (Jakub Lorenc-Zalěski, Serbscy rjekowje. Berlin 1957)

Tola wona Manie tomu *njeplechej* najskerje žanu wottyknyła njeby, tež hdyž by móhła ... (Cyril Kola, Puće z doliny. Nowa doba 1988/89)

»Čakaj jenož, *njeplecho*, tebje hišće lepju!«, křipny a hižo bě so přeměnił do škraholca a honješe škowrončka. (Měrcin Nowak-Njehorński, Mištr Krabat. Budyšin 1954)